

دینی ، علمی ، ادبی واجتماعی

سنه

ه

مخفل

۱۳۳۸

جلد

ه

مجموعۃ اسلامیت

شیمدیلک عربی آیلری ابتداسنده نشر اولونور .

صارف ، مدیری ، محرری :

ربیع الاول

۱۳۴۳



جزء

۵۳

شرائط تحریر: اسلامک نفعنه خادم یازیلر مع التشر قبول ونشر اولونور . یازانک شخصی دکل ، یازینک ماهیتی نظردقته آلینیر . کونده ریله جک آثار او قوناقلی ومختصرجه یازیلش اولمالیدر . کلن یازیلردن شایان قبول کورولنلر تاریخ صیراسیله درج ایدیلیر .

شرائط اشرا: هر سنه نك برنجی وایکنجی آلتی آیلغندن اعتباراً آبونه قید اولونور . سنه لکی پوسته اجرتیله برابر : ۱۰۰ ، آلتی آیلغنی : ۵۰ غروشدر . ممالك اجنییه ایچین ۲۰ و ۱۰ غروش علاوه سی لازمدر .

مخفل

۱۳۳۸

مجموعه سنك چكن سنه لره عائد وپك چوق معلومات مفیده یی جاوی اولان نسخهلری منتظماً دیکیلمش واوزه دلرینه قالین بررقایاق کچیرلهرک مجلد کتاب حالته کتیریلشدر . خیرالانیس اولاییله جک بونفیس کتابلردن برنجینسك موجودی یتمش ، ۷-۱۲ نجی نسخهلری پراکنده اولارق قالشدر . بهر نسخه سی ۱۰ غروشدر . ۲۰۳ و ۴۰۲ نجی جلدلرک بدلی ده پوسته اجرتیله برابر یوزر غروشدر . طوغرودن طوغرویه اداره خانه یه ۲۰۰ غروش کونده ریلدیکی صورتده هراوج جلدی یوللانیر .

نسخه سی ♦ ۱ غروشدر .

مُحفل تاریخی :

مرکز افندی حضر تلی

مابعد

مؤلف خطیر شیخ یوسف افندی مرحوم حضرت مرکزك احوال و مناقب سائر سندن و صورت ارتحالندن بحث ایتدکن صکره بوجه آتی بیاناتی اتمام ایدیور : (خلفاسی بش یوزدن متجاوزدر . روایت اولنور که حالا دیار هندده خلیفه سی واردر . صاحب جمعیتدر . ممالک عثمانیه خود آثار پر انوار یله مالامالدر . خصوصاً ولد اسعد لری شیخ احمد مرکزی، جذبه الهیه صاحبی مؤثر الکلام، مقبول خواص و عوام، عالم و فاضل کامل و کامل بر وجود ایدی که مرحوم جمیع خاقه « او غلم احمد بندن چوق یکدر . » دیو شهادت ایدردی . نیچه عدد ممدوح تألیف و تصنیفی قالب لغت قاموسی ترکیه ترجمه ایدوب سکسان جزؤ بر عظیم کتاب اولمشدر . جمیع علما وجودینه راغب اولوب کاتبلر طوب نسخہ سن آلامغه طالبلردر . کندیلردن صکره چوق معمر اولمایوب انتقال ایتشلردر . [۱] بو داعی حقیر، مرحوم مرکز افندی یه ایریشوب نیچه درسار تعلیم بیوردقلرندن صکره الحمد لله تفسیر شریفدن سورہ کوثری تبرکاً و تیناً قرائت ایتدیرمشلردر . کوثر که خیر کثیره اطلاق اولنور . امیددر که دنیا و عقباده خیرات کثیره ایل بهرہ مندک میسر اوله، آمین یارب العالمین .) شیخ یوسف افندی مرحومک اثر مبرورندن نقل ایتدیکمز سطور بوراده ختام بولدی . بزده شو نقطه یی خاتمہ کلام اولمق اوزره قید ایدم که کتاب و سنت احکامندن غافل، ضال و مضل اشراقیمیدر، آفاقیمیدر غیر معلوم، مشکوک الاعتقاد [۱] حضرت مرکز تربۀ شریفه سی داخلنده اولوب اصحابی معلوم اولمایان مراقددن برینک مشارالیه شیخ احمد افندی حضر تلینه عائد بولندیفی ملحوظدر .

و مجهول الاحوال اولانلر اساساً مسلمانلق تعریفه داخل اوله میه جقلرندن جامعۀ طریقه البتہ ادخال اولنه مازلر . طریقتک معناسی تصفیۀ ذات وصفات اولنجه حیاتی هوای نفس وادیلرندۀ ظلمت عمیقہ ایچندۀ کچیرنلر بومباحثدن کلیاً خارجدر . بز کتاب و سنتک حارس و خادمی بولنان معرفت حقیقیه و طریق حق و هدایت اصحابی تدقیق ایدیورز، ضلالت و ارتداد اربابی دکل .

الحاصل عرفان و ایمان کامل اصحابی حق و حقیقت مسلکندۀ تعارض و تبایندن منز و متعالیدرلر . دلیل مدعامنر، شیخ سنبل و ابن کمال، شیخ مرکز و ابوالسعود افندیلر حضر ایتدر . باشقه دلائل و شواهد حاجت یوقدر صانیورز . والسلام علی من اتبع الهدی .

سعود المولوی



حسی بر تاریخ مقالہ سنہ لاحقہ :

سعود المولوی بک افندی برادر مرکز حضرت سنبل و جناب ابن کمال حقندۀ یازدقلری مقالہ لطیفه (اللمظات) [۱] نام اثرده مطالعہ ایلدیکم بر فقره یی خاطر لاتدی : بر ذات، ابن کمال حضر تلیرندن غریب برایش ایچون استفتا ایدر . مشارالیه تبعا تده بولنور . کریزکاه شرعی بوله مدیغندن تأخیر جواب ایتک ایسترسده تضییقه معروض قالدیغندن موقع اضطرارده ایکن برکون تجدد و ضوء صوکنده فتح مسئلہ وقوعه کلنجه مسروریتندن اوچ دفعه سماع ایدر . چونکه ابن کمال، علامۀ جهان اولمغله استنیلن فتوایه کریزکاه بوله مامسی کندیسنه پک آغیر کلش، شهرت علمیه سنی نقیصه دار ایدہ جکنه ذاهب اولمش

[۱] بوائزک مؤلفی ۱۰۶۴ سنه سنده ارتحال ایدن شیخ

محمود حلوی افندیدر . وفاده عاطف بک کتبخانه سنده مقیددر . مهم و معتبر بر اثردر .

تورکستان

(۵۰ نجی نسخه دن مایعد)

فقط سیاحتندن دونن تیمورلنک آز مدت ظرفده
بونلری یوله کتیردیکی کی توقنامشکده حدینی
بیلدیردی . توقنامش روس ایچروسنه قاجق
صورتیله یقایی قورتارمق ایسته دی . تیمور اونی
تعقیب ایتمک بهانه سیله موسقوا به قدر کیتدی .
صکره : دشت قاپچاغی دست اداره سنه آلوب
عودتنده بلغار شهرینی خرابه زاره چویردی .
ارتق تیمورلنک ایچون باب قوچات آچلمش ایدی .
(۱۳۹۷) ده هندستانی آلدینی کی (۱۴۰۴) ده
بیلدیرم بازیده میدان اوقودی . شانلی ظفرلری
متعاقب چینه دوغری یورو مش ایسه ده یوله
اوتزار (فاراب) نام محله وفات ایتدی . وصیتی
موجبجه جسدی سمرقنده نقل اولوب تربه
مخصوصه نه دفن ایدلای . (۱۴۰۵ - شباط ۱۵) .
تیمورلنک : تورک تاریخنی ، اجدادینک
عنعناتی آبی بیلیر ، - تورکجه دن ماعدا - فارسی
کوزل تکلم ایدر ، علما ایله صحبتی سور ، مع ذلك
دشمنه قارشى شدتلی معامله ده بولنور ایدی . بر
طرفدن بغداد ، مرو ، بخارا ، اورکانج کی
شهرلرده یوز بیکلرجه معصوملری احیا و مدینت
یه ردلرینی احراق ایتمش ایسه ده دیگر جهتدن بر
چوق یرلرده بالخاصه : سمرقند و بخاراده کوزل
مدرسه لر ، مسجدلر دارالصناعه لر یاپدیردی .

تورکستان اون بشننجی عصرک نهایته قدر
تیمورک اولادی آئنده ، اوندنصکره اون سکزننجی
عصرک واسطنه قدر اوز بک ، قیرغیز - قزاقلرک
زیر اداره سنه قالدی .

ایدی . فتحی متعاقب مسروریتندن احواله دوچار
اولسی پک طبیعی ایدی . بوکا باشقه کیمسه ده مطلع
دکلدی . حضرت سنبل ، بدایه صوفیه دوران
وسماعنک حله داتر ابن کالدن فتوا طلب ایتدیکی
حاله اعطاده آثار تعلل کوسترمسندن ناشی کشفاً
واقع اولان استطلاعاتی تأثیریه نزد شیخ الاسلامیه
کلوب (دوران و سماع) حلال اولسی مسئله سنی
آچش ، فقط (مباح دکلدیر ذیمک سمتنه ذاهب
اولانلردن) جوابنی آلمسیله ابن کال حضرتلرینک
قولاغنه (افندم امور دنیویه ایچون بر مسئله نک
فتحنده بی تردد سماع جائز اولیور و بوکا مجبوریتکنر
حصوله کلیورده فقرای باب اللهک مراتب اخرویه
حصولنده کمال ذوق و نشئه لرندن طولایی تحمل
ایده میهرک دوران و سماع ایتلمرینک معذور کور و ملامسی
موافق انصاف دکلدیر ظن ایدرم .) دییه اشراق
ضمایر ایندکلیرنده جناب ابن کال مبهوت و متحیر
اوله رق بردها صوفیونه دخل ایتیموب هرايشلرنده
برحکمت بولندیغنه قائل و دوران و سماع حله
فتوا و یروب حضرت سنبل ایله هم بزم صحبت
اولملشدر . [۲]

ابن کال حضرتلری ، پیرطریق (ابراهیم کلشنی)
حضرتلرینه عرض نسبتله طریق کلشنیدن ده مظهر فیض
معنوی اولمشدر . قدس الله اسرارهم

مسین و صاف

[۲] حضرت سنبلک دوران و سماع حقنده یازدقلری
اثر ، عربی العباده در . نامی (الرسالة التحقیقه فی طریق
الصوفیه) در بالاخره ترجمه ایدمشدر . کرک اصلی ، کرک
ترجمه سی فاتحده ملت ، وفاده عاطف بک کتبخانه لرنده
واردر . غایت کوزل یازلمش برتألیف بهیندر .